

Samgöngu- og sveitarstjórnarrá  
Sölvhólsgötu 7  
101 Reykjavík

Reykjavík, 16. desember 2019  
Tilvísun ÞÍ: 2019120446/5.0

**Efni: Umsögn vegna reglugerðar um alþjónustu á sviði póstþjónustu**

Þjóðskrá Íslands vísar til tilkynningar á samráðsgátt stjórnvalda, dags. 6. desember sl., þar sem óskað er umsagna um drög að reglugerð um alþjónustu á sviði póstþjónustu. Hér á eftir fara athugasemdir stofnunarinnar við framangreind reglugerðardrög.

Í 1. mgr. 8. gr. reglugerðarinnar er kveðið á að alþjónustuveitandi skuli bera út póst til allra einstaklinga sem hafa fasta búsetu, sbr. lög um lögheimili og aðsetur, með síðari breytingum. Þjóðskrá Íslands starfar m.a. eftir ákvæðum laga nr. 80/2018 um lögheimili og aðsetur. Samkvæmt lögunum er meginmarkmið skráningar lögheimilis og aðsetur að endurspeglra raunverulega og rétta búsetu einstaklinga og þar með ákvarða réttarstöðu þeirra og skyldur gagnvart hinu opinbera. Samkvæmt 1. gr. laganna er lögheimili sá staður þar sem einstaklingur hefur fasta búsetu. Með fastri búsetu er átt við þann stað þar sem einstaklingur hefur bækistöð sína, dvelst að jafnaði í tómstundum sínum, hefur heimilismuni sína og er svefnstaður hans þegar hann er ekki fjarverandi um stundarsakir vegna náms, orlofs, vinnuferða, veikinda eða annarra hliðstæðra sbr. 1. mgr. 2. gr. laganna. Þá skal skrá lögheimili í tiltekinni íbúð eða eftir atvikum húsi, við tiltekna götu eða í dreifsbýli, sem er skráð sem íbúðarhúsnæði í fasteignaskrá Þjóðskrár Íslands og hefur staðfang sbr. 2. mgr. 2. gr. laganna. Í 3. gr. laganna er að finna frávik frá meginreglunni um lögheimilisskráningu.

Í einhverjum tilfellum getur einstaklingur haft fasta búsetu í fasteign þar sem ekki er mögulegt að skrá lögheimili. Þjóðskrá Íslands heldur ekki utan um slíka skráningar og því er eðlilegt að miða við lögheimili í reglugerðinni en ekki við fasta búsetu.

Ákvæði 1. mgr. 8. gr. reglugerðinar gæti verið svohljóðandi:

Alþjónustuveitandi skal bera út póst til allra einstaklinga þar sem hafa skráð lögheimili skv. þjóðskrá sbr. lög um lögheimili og aðsetur, með síðari breytingu.

F.h. Þjóðskrár Íslands



Indriði Björn Ármannsson  
lögfræðingur